



17168

1st. komp

I

Mag. St. Dr.

P

*Schone: Andre: Fidus Comes ad Jannem  
Comitem in Tennyng.*

PANEG. CIVITAE

Polon. 4<sup>o</sup>N<sup>o</sup>. 1018.

Biblioteka Jagiellońska



stdr0002973



Fidus Comes

D. ANDREÆ SCHONEL,

AD ILLVSTREM  
AC MAGNANIMVM IVVE-  
NEM, AC DOMINVM, D. IOAN-  
NEM COMITEM IN TEN-  
CZYN, FAVTOREM  
suum singularem.



537.1.5e

CRACOVIAE,  
In Officina Andreæ Petricouij.  
Anno Dñi, 1601.



Edith Combes

Edith Combes

AD L. V. S. T. R. E. M.  
AC. M. A. N. I. M. M. I. N. I. S.  
M. A. C. C. O. M. M. I. S. S. I. O. N.  
M. A. C. C. O. M. M. I. S. S. I. O. N.  
M. A. C. C. O. M. M. I. S. S. I. O. N.  
M. A. C. C. O. M. M. I. S. S. I. O. N.

17168I



CRACOVIA  
In the  
Archdiocese



Fidus Comes  
 ANDREÆ SCHONEI,  
 AD ILLVSTREM  
 DOMINVM, D. IOAN-  
 NEM COMITEM IN  
 TENCZYN

**T** Amné iterum externas animus fert visere gentes,  
 Vrbesq; atq; hominũ egregios cognoscere mores,  
 Magne Comes, claro de sanguine TOPORORVM,  
 Quo non in toto genus est antiquius orbe  
 Sarmatico, ante ipsum Lechum, Cracumq; fuerunt  
 TENCINII, nati primæua ab origine gentis  
 Arctoæ: necdum certum nomenq; laresq;,  
 Haudq; magistratus, legesq; Polonia habebat,  
 Et tamen has oras TENCINIA fama replebat,  
 Indigenæ veri, vera atque Aboriginum imago,  
 Quos Graiiq; vocant *αυλόχθονας* ore rotundo.  
 Rarum est per populos omnes, tot secula stirpem  
 Vnam durare, & factis extendere nomen  
 Latius afsidue, ac patrimonia prisca tenere,  
 Primorumq; arces, fundosq; habitare parentum,



Cùm tamen inuidiosa ætas, & dira Nèpotum  
Luxuries cuncta infelice ligurriat ore,  
Et Regum decora alta ruant à culmine auito,  
Et nati Heroum illuuièq; fameq; premantur.

Iamné iterum patriæ fines, & dulcia regna <sup>20</sup>  
Linqvis, quæ toties victrici Marte, manuq;  
Defendere tui Proau, legionibus amplis,  
Casibus in variis, feliciter imperitantes;  
Exercere boni fera munera militai,  
Quæ toties pace in media, rebusq; secundis, <sup>25</sup>  
Consilio atque animi decorarunt viribus altis.  
Namque velut madidis cum nubibus emicat Iris  
Discolor, æthereo nimbis fulgore repletis,  
Nubila mox detergantur, pluuiæq; residunt,  
Incipit & cœlum irradiari luce serena. <sup>30</sup>

Sic vos TENCINIL, dicti de nomine pulchræ  
*Ten* Iridis, incumbente graui discrimine rerum,  
Læti affulstis semper, patriæq; salutem,  
Et decus & pacem cum libertate tulistis,  
Per medias flammæ, aciesq; audace ruentes <sup>35</sup>  
Pectore, non mortem, non vulnera sæua timendo,  
Priuatissq; malis redimendo publica damna.

Ahné iterum charos fratres, dulcesq; sorores  
Deferis, & poteris siccis discedere ocellis,  
Haudq; pij erumpunt singultus, nec lachrymarum, <sup>40</sup>  
Perq; genas, perq; ora vbertim flumina currunt.

Tres fra-



Tres fratres estis, vobis innixa recumbit  
Tota antiqua domus, spesq; omnis nominis alti,  
Vnum at cor vobis, mens vna, eademq; voluntas.  
Non sic Pirrithoum Theseus, Pylades nec Orestem, 70  
Non sic mater amat natum, non sponsa maritum,  
Nec vitis sociæ sic arctè astringitur vlmo,  
Vt vos pectoribus fidis spiratis amorem,  
Complexi æterno per mutua vincla adamante,  
Nunquam odiis vltricibus, inuidiaq; maligna, 80  
Nunquam certastis rabiosæ verbere linguæ,  
<sup>ne motu tacito</sup> <sup>nequam ipsum</sup> Iplum etiam haud nutu tacito læsistis amorem,  
Alter & alterius semper cumulastis honorem.  
Rara fuit talis fratrum concordia ab omni  
Seclorum serie, atque proinde æterna manebit 85  
Aurea stirps vestra, haudq; illam obruet atra vetustas.

Iamné iterum ad populos alios proficisceris, annos  
Qui tot in Italiæ es pulcra regione moratus,  
Arnus vbi Hetruscas leni secat agmine terras,  
Aut Tybris, dominam rerum perlabitur urbem, 90  
Aut vbi Parthenope monstrat iuga celsa Veseui,  
Olim expirantis flammæ, rutilamq; fauillam,  
Finitimisq; locis casum excidiumq; minantis?  
Contigit egregios illic audire Magistros,  
Qui variis pectus formarunt artibus, illic 95  
Barga sacras duxit te pulchri Heliconis ad vmbras,  
Et cultè fari docuit, Mazonius alter



Abdita naturæ pandit, radioq; iacentes  
Descriptit terras, secumq; per æthera vexit,  
Monstrando solisq; vias, lunæq; labores. 70  
Inuenias paucos, claro de sanguine cretos,  
Aut etiam obscuris lacerisq; penatibus ortos,  
Qui bene prima æui traducant tempora, & artes  
Per varias animum scitè excoluere recentem.  
Ast alii Veneris damnosæ castra sequuntur, 75  
In lustris tenebrisq; impura sub meretrice,  
Rem patriam perdunt, viresq;e, animiq;e vigorem,  
Pars fidibus gaudent, & carmina amoribus apta  
Imbelli cythara, studio modulantur inani,  
Pars genio indulgent, tumidoq; abdomine ventres 80  
Immodicis onerant epulis, plenisq; culullis  
Ad numerum potant, madidi noctesq;e diesq;e.  
Exercent alii numerosa lege choreas,  
Ridiculo & saltu huc illuc vaga corpora librant.  
Non hæ Nobilium sunt artes, patriciiq;e 85  
Sanguinis, aut quorum stimulat præcordia virtus,  
Sunt aliæ atque aliæ: didicisse fideliter artes  
Ingenuas, patriæ leges cognoscere & acta,  
Militiamq;e pati duram, rigidosq;e labores  
Excipere, & semper iucundis vtilibusq;e 90  
Eximiam laudem, & verum præponere honestum;  
Iura sacerdotum, diuinam & Relligionem,  
Quam varios inter casus, dubiasq;e procellas,

Rom a il.



Roma illibatam seruat, defendere promptè,  
Non solùm clypeo & parma, sed acinace & hasta, 25  
Et pulcræ per mille neces occumbere morti.  
Tales vos estis, gens inclyta TENCINIDARVM,  
Tergemini fratres, magnum patriæ incrementum;  
Non amor & vinum, vestra ardua pectora fregit,  
Non numeris, ludisq; procacibus inuigilastis, 100  
Sed semper studiis animum intendistis honestis.  
Non tam quid libeat, patrantes quàm quod oportet.  
Etsi diuitiæ amplæ, & sanguis feruidus æui,  
Post patris & patruï mortem, custode remoto,  
Ad mala perliceret, vesanas deliciasq; 100  
Ipsam etiam tetricam Senecam, rigidumq; Catonem,  
Campanos nunc iuuat equos moderarier arte,  
Et facili in varios gyros conuertere habena:  
Nunc Tuscos agitare apros & figere ceruos,  
Et discò, atque agili membra indurare palæstra. 110  
Iuuat in Vngaria audaci concurrere ferro,  
Iuuat & intrepidè Batauo insultare rebeli.  
Insuper expugnare arces, & figere tutis  
Castra locis, aciesq; inimicas rumpere dextrè,  
Militiàmq; aliam primis didicistis ab annis. 115  
Cura tamen vel prima fuit perdiscere doctas  
Artes, & varias rerum cognoscere causas.  
Versastis crebrò Senecam, Tacitum, ac Patauinum,  
Arpiniq; decus, Stagyraëq; altumq; Platona.

Versastis



Verfastis rigidi nodosa volumina Iuris, 120  
Sæpe & in Euclidis scripsistis puluere formas.  
Testis ego haud vanus, qui doctis sæpe stupebam,  
Noctes atque dies vos impallescere chartis :  
Vos mecum soliti studio certare flagranti,  
Passibus & paribus vestigia fiximus alta, 125  
Imò discipuli vicistis sæpe Magistrum,  
Et celsit laudi vestræ mea cognita virtus.  
Macti ergo tantis virtutibus, ingeniisque,  
Magna manent omnes tres præmia, & ardui honores,  
Quicquid & in patria splendet, Rex optimus vltro 130  
Offeret, atque sinet vos in regno esse secundos.  
Hoc genus antiquum, maiorum & clara trophæa,  
Ingeniumque sagax & virtus vestra meretur.  
Qui patriam ornastis toties per auos atavosque,  
Fas & iura iubent, vt vos quoque grata memoris; 135  
Pro meritis tantis patria ornet ametque; vicissim.

Sed quas, magne Comes, tandem oras lætus adibis?  
Magnanimi forsan GABRIELIS facta secutus,  
Ibis ad armiferos Belgas, & Iberica castra,  
Hispanosque graues imitabere belligerando, 140  
Proque Deo affluesces felicia prælia inire.  
Vt si quando tuam vrgerent immitia fata  
Sarmatiam, tanquam cœlo delapsus atrox  
Submoueas hostes, libertatemque reducas.  
Scipio sic iuuenis, patriis exercitus armis, 145

Post sæ-



Pòst sæuum Hannibalem strauit felice duello,  
Ac domuit Lybicas arces Chartaginis altæ.  
Hoc tamen hoc à me præceptum suscipe lætus,  
Si quando à rigido dederit certamine Martis  
Ocia & alternam requiem Bellona superba, 150  
Non etenim semper vexant vada falsa procellæ,  
Non semper gelidis erumpunt nubibus imbres,  
Ad Musas referas te totum pectore miti,  
Vtereq; assiduè viuus, mutisque Magistris.  
Sic Macedûm Rex ille potens, arma inter & hostes, 155  
Sæpe volutabat diuina poëmata Homeri,  
Ipsa etiam in somnis capiti supponere suetus,  
Scriniolo & pulcro, gemmisq; auroq; rigenti  
Darii victi, vatem dignatus eundem.  
Et genitor Peleus tendenti ad Pergama Troiæ, 160  
Phœnicem charo comitem sociauit Achilli,  
Qui tenerum os iuuenis nitido sermone poliret,  
Res gerere & magnas vsu formaret & arte.  
Est inter fidosq; Deo, Regiq; Brabantos,  
Vrbs vetus & celebris, statio gratissima Musis, 165  
Illic magna super, celebri applaudente iuuenta,  
Pulpita Gymnasii, fundit sapientia verba,  
Lipsius, in toto quo non facundior orbe,  
Altiùs humano ingenio sese exerit, haudq;  
Aurea vox hominem sonat, attonitus stupet omnis. 170  
Nemo acres Taciti peruidit acutiùs artes,

B

Nemo



Nemo grauem Senecæ mentem rimatus ita altè,  
Quæ quanta & qualis fueris Roma inclyta, quauè  
Militia, victis tot gentibus imperitaris,  
Omniscius docuit nos Lipsius, optimus author. 175  
Illum Roma sacram toties acciuit ad urbem,  
Acciuere patres Veneti, super Adria amaro,  
Pollicitis magnis, & conditionibus amplis.  
Illi etiam Regesque ducesque, alti; tetrarchæ  
Inclinant sese, & fasces submittere gaudent. 180  
Atque alii volitant velut umbræ, militat ille  
Musarum in castris solus ferè, & aspera colla  
Barbariæ, ingenii ancipiti mucrone recidit.  
Ergo grandiloquo laudati Lipsii ab ore  
Creber & attonitus pendens, sublimia verba, 185  
Aure bibas auida, atque fideli mente repone,  
Inque sinu tacito lætare, ac si reperisses  
Pigmalionis opes, aut Lydæ pondera Garæ.  
Vilius ingenio est aurum, sapientiaque omnes  
Diuitias Arabum exsuperat, Regum; tiaras, 190  
Nec nisi vir sapiens opibus scit grandibus uti.  
Illa animi morbos leuat, insanosque dolores,  
Elidit curas, atque anxia pectora mulcet,  
Æquè diuitibus prodest, inopum; tabernis,  
Æquè florenti iuueni, tremulæ; senectæ. 195  
Illa vrbes & regna tenet, populos; beata  
Componit pace, & mediis dominatur in armis,

Atque



Atque ideò Atrides, plures optabat habere  
Nestoras, impavidos quàm Aiaces aut Diomedes.  
Arte secat fluctus, atque æquora concita ventis  
Nauita, & arte regit volucres auriga quadrigas,  
Et mole opprimitur propria, vis consilii expers.

Sic tamen ingenium exerce feliciter, atque  
Doctrinas varias, pleno ore & pectore libes,  
Vt memor vsque mei, nunc vi vrgens, nunc prece blâda,  
Palladii mihi concilies præcordia Lipsi,  
Paculaq; hæc pro me ne dedignere referre.  
Est Schoneus quidam Arctoo sub fidere, vbi urbem  
Egregiam Craci, tumido Istula proluit amne,  
Hic te amat impensè, veluti sua lumina chara,  
Et miratur opes foecundæ mentis, & alti  
Ingenii, magnus virtutum præco tuarum :  
Hunc Lipsi redama, & charis constringe lacertis,  
Nec fastidito deformem pulcher amicum,  
Atque vel extrema solij imi parte locato.  
Candidus est Schoneus, sine fuco, felleq; amaro,  
Dissimulare nequit, falsos aut fingere vultus,  
Nunquam tabifico liuore expalluit ora,  
Nunquam post alios aures agitauit aselli,  
Aut canis ardentis linguam protendit anhelam.  
Et licet haud valeat librare per aëra corpus,  
Suspicit ast alios lætus felicibus alis  
Ferri, victoresq; virum volitare per ora.



Nulli se tumidus præfert, non spernit & vllum,  
Secum habitat, vena contentus paupere, & arcto 225  
Ingenio, quod cura dedit, naturaq; parca.  
O me felicem ter & amplius, atque beatum,  
Lipsius insignis, si me dignetur amore.  
Cuius amorem, non Regum mutauero amore.  
Nos alternantis reddemus mutua amoris, 230  
Et studiis fidis certabimus officiisque,  
Nec tuus è nostro cadet vnquam pectore vultus.  
Sed quoniam iam certa animo sententia sedit,  
Ire viam, quæcunque vsquam sunt omina fausta,  
Atque bonæ voces, læto tibi comprecor ore. 235  
Non Hyades pluuiæ contristent frigore cælum,  
Non atramæ hyemem glomeret nimbosus Orion,  
Non asper Boreas immani turbine terras  
Verberet, haudq; Eurus stridentibus infremat alis.  
Non micet æthra igni, non & fragor intonet ingens, 240  
Non filuæ, montes, fluuiique, niuesq; morentur,  
Non animum curæ per dira insomnia vexent,  
Non corpusq; vrant longi fastidia morbi.  
Perq; viam totam ferali carmine Bubo,  
Atque aliæ augurio infami horribiliq; volucres 245  
Confidant tacitæ, vox & frustretur hiantes.  
Sint sine nube dies nitidi, sine frigore noctes,  
Afsiduè Zephyri spirent, auræq; salubres,  
Rideat & tellus, & flores vndique fundat,

Leniter




250  
Leniter & rauco decurrant murmure riui.  
Per nemora & siluas, volucres te voce saluent  
Melliflua, & varient vocum discrimina mille.  
Sæpe sub ora tibi veniant damæ, leporesquæ,  
Ceruiq; aëripedes, & sæuis dentibus apri,  
Igniuoma quos glande petas, sternasq; ruasq;. 300  
Vt quondam es solitis, cum Principe Etruriæ, in atris  
Pisarum filuis, perq; horrida tesqua Liburni,  
Pugnaces agitare feras, prædamq; referre.  
Ante vrbes videas, iuuenes equitare superbè,  
Atque Italum in morem tumidos domitare caballos, 205  
Aut celeres torquere arcus, certareq; cursu,  
Vibrare & validis hostilia dura lacertis.  
Denique cuncta fluant optatis cursibus vsque,  
Et vigeat semper mens lata in corpore sano.

Nos hîc thuricremas soluemus vota per aras, 310  
Atque sacris templis libabimus oscula pura,  
Omnesq; æthereos proceres, coeliq; Quirites  
Præsentem poscemus opem, vt Rex ætheris alti,  
Aligerum excelsa Gabrielem mittat ab arce,  
Qui tibi sit semper fidus custosquæ comesquæ, 315  
Dirigat & gressus, optatis sistat & oris,  
Atque acies inter medias & perfida tela  
Incolumem feruet, tuto & munimine cingat.  
Ac tandem egregiam laudem, & spolia ampla ferentem,  
Post hyemes aliquot feliciter inde reducat 320



Ad patrias sedes, vbi magna negocia regni  
Mente geras solida, claris & honoribus auctus,  
Ante alios longè emineas belloq; togaq̃ue,  
Atque tuis tantum accumules laudis decorisq̃ue;  
Quantum es per longam seriem patrum adeptus ab illis.  
Hæc tuus ille tibi pura optat mente Schoneus,  
**TENCINIE** gentis vetus atque fidelis alumnus.









III. 1.7.





